

鹽山張錫純壽甫著

# 醫學衷中參西錄

前三期合編 下冊

建國廿四年八月 吳江濟題



民國七年在奉天初版爲第一期  
民國八年在奉天再版爲第二期  
民國十三年在奉天三版爲第三期  
民國十八年在天津四版爲前三期合編  
民國二十四年在天津五版

鹽山張錫純壽甫著 定價每部實洋二元三角

長男 蔭潮 春生 校訂 孫 銘勳 參校  
受業 高如璧 經廉

天津孫玉泉 靜明  
通縣高崇勳 硯樵  
深縣張堃 方輿  
受業 天津李寶 蘇允中  
重校



發行處 天津法租界大安里中西匯通醫社張蔭潮春生  
代售處 各省各大書局  
代印處 天津益世報館

衷中參西錄前三期合編第五卷

傷寒方

麻黃加知母湯

治傷寒無汗

麻黃四錢

桂枝尖二錢

甘草一錢

杏仁去皮炒二錢

知母三錢

先煮麻黃五六沸去上沫納諸藥煮取一茶鍾溫服覆被取微似汗不須啜粥餘如桂枝法將息

麻黃湯原方桂枝下有去皮二字非去枝上之皮也古人用桂枝惟取稍尖嫩枝折視之內外如一皮骨不分若見有皮骨可分辨者去之不用故曰去皮陳修園之姪鳴岐曾詳論之

傷寒論太陽篇中麻黃湯原在桂枝湯後而麻黃證多桂枝證不過十中之一二且病名傷寒麻黃湯爲治傷寒初得之主方故先錄之

傷寒者傷於寒水之氣也在天有寒水之氣冬令之嚴寒是也在人有寒水之經足太陽膀胱之經是也外感之來以類相從故傷寒之證先自背受之背者足太陽所轄之部位

也是以其證初得周身雖皆惡寒而背之惡寒尤甚周身雖皆覺疼而背下連腿之疼痛尤甚其脈陰陽俱緊者誠以太陽爲周身外衛之陽陡爲風寒所襲逼其陽氣內陷與脈相併其脈當有力而作起伏疊湧之勢而寒氣之縮力凡物之體熱則張寒則縮又將外衛之氣縮緊逼壓脈道使不得起伏成波瀾而惟現弦直有力之象甚或因不能起伏而至左右彈動故方中用麻黃之性熱中空者直走太陽之經外達皮毛藉汗解以祛外感之寒桂枝之辛溫微甘者偕同甘草以溫肌肉實腠理助麻黃托寒外出杏仁之苦降者入胸中以降逆定喘原方止此四味而愚爲加知母者誠以服此湯後間有汗出不解者非因汗出未透實因餘熱未清也佐以知母於發表之中兼寓清熱之意自無汗後不解之虞此乃屢經試驗而確知其然非敢於經方輕爲加減也

或問喘爲肺臟之病太陽經於肺無涉而其證多兼微喘者何也答曰胸中亦太陽部位其中所積之大氣原與周身衛氣息相通衛氣既爲寒氣所束則大氣內鬱必澎漲而上逆衝肺此喘之所由來也又風寒襲於皮毛必兼入手太陰肺經挾痰涎凝鬱肺竅此又喘之所由來也麻黃能兼入手太陰經散其在經之風寒更能直入肺中以瀉其鬱滿

所以能發太陽之汗者不僅麻黃而仲景獨取麻黃爲治足經之藥而手經亦兼顧無遺此仲景製方之妙也

凡利小便之藥其中空者多兼能發汗篇蓄木通之類是也發汗之藥其中空者多兼能利小便麻黃柴胡之類是也太陽經病往往兼及於膀胱以其爲太陽之腑也麻黃湯治太陽在經之邪而在腑者亦兼能治之蓋在經之邪由汗而解而在腑之邪亦可由小便而解被後世自作聰明恆用他藥以代麻黃湯者於此義蓋未之審也

大青龍湯治傷寒無汗煩躁是胸中先有內熱無所發洩遂鬱而作煩躁故於解表藥中加石膏以清內熱然麻黃與石膏並用間有不汗之時若用此方將知母加重數錢其寒潤之性能入胸中化合而爲汗隨麻桂以達於外而煩躁自除矣

傷寒與溫病始異而終同爲其始異也故傷寒發表可用溫熱溫病發表必須辛涼爲其終同也故病傳陽明之後無論寒溫皆宜治以寒涼而大忌溫熱茲編於解表類中略取傷寒論太陽篇數方少加疏解俾初學知傷寒初得治法原異於溫病因益知溫病初得治法不同於傷寒至於傷寒三陰治法雖亦與溫病多不同然其證甚少若擴充言之則

凡因寒而得之霍亂痧證又似皆包括其中精微浩繁萬言莫罄欲精其業者取原書細觀可也

錢天來曰漢之一兩爲今之二錢七分一升爲今之二合半程扶生曰以古今量度及秬黍考之以一千二百黍之重實於黃鐘之龠得古之半兩今之三錢也合兩龠爲合得古之一兩今之六錢也十銖爲千黍之重今之二錢半也一銖爲百黍之重今之二分半也陸九芝曰傷寒方一兩準今之七分六厘一升準今之六勺七抄若麻黃湯麻黃三兩準今之二錢三分其三之一應得七分強承氣湯大黃四兩準今之三錢折半應得一錢五分按程氏之說古方分量過重陸氏之說古方分量又過輕惟錢氏之說其輕重似適宜陳修園則謂用古不必泥於古凡傷寒金匱古方中之一兩可折爲今之三錢

陸氏又謂麻黃數分即可發汗大黃一二錢即可降下燥結此以治南方人猶可若治北方人則不然愚臨證體驗多年麻黃必至二錢始能出汗大黃必至三錢始能通結然猶是富貴中且不受勞碌之人至其人勞碌不避寒暑飲食不擇精粗身體強壯或又當嚴寒之時恆有用麻黃至七八錢始能汗者若其大便燥結之甚恆有用大黃至兩餘大便

始能通者究之用藥以勝病爲主此中因時因地因證因人斟酌咸宜自能愈病安可有拘執之見存於心中也哉

加味桂枝代粥湯

治傷寒有汗

桂枝尖 三錢

生杭芍 三錢

甘草 錢半

生薑 三錢

大棗 三枚 搗開

生黃芪 三錢

知母 三錢

防風 二錢

煎湯一茶鍾溫服覆被令一時許徧身熱熱微似有汗者益佳不可如水流漓病必不除禁生冷黏滑肉麵五辛酒酪及臭惡等物

桂枝湯爲治傷風有汗之方釋者謂風傷營則有汗又或謂營分虛損即與外邪相感召斯說也愚嘗疑之人之營衛皆爲周身之外廓衛譬則郭也營譬則城也有衛以爲營之外圍外感之邪何能越衛而傷營乎蓋人之胸中大氣息息與衛氣相關大氣充滿於胸中則饒有吸力將衛氣吸緊以密護於周身捍禦外感使不得着體卽或著體亦止中於衛而不中於營此理固顯然也有時胸中大氣虛損不能吸攝衛氣衛氣散漫不能捍禦外邪則外邪之來直可透衛而入營矣且愚臨證實驗以來凡胸中大氣虛損或更下陷

者其人恆大汗淋漓拙擬升陷湯

在第四卷

下載有數案可參觀也是知凡桂枝湯證皆因大

氣虛損其汗先有外越之機而外邪之來又乘衛氣之虛直透營分擾其營中津液外泄而爲汗也究之風寒原不相離即係傷風其中原挾有寒氣若但中於衛則亦能閉汗矣故所用桂枝湯中不但以祛風爲務而兼有散寒之功也

陳古愚曰桂枝辛溫陽也芍藥苦平陰也桂枝又得生薑之辛同氣相求可恃之調周身之陽氣芍藥而得大棗甘草之甘苦化合可恃之以滋周身之陰液即取大補陰陽之品養其汗源爲勝邪之本又啜粥以助之取水穀之津以爲汗汗後毫不受傷所謂立身於不敗之地以圖萬全也按此解甚超妙而於啜粥之精義猶欠發揮如謂取水穀之津以爲汗而人無傷損他發汗藥何以皆不啜粥蓋桂枝湯所主之證乃外感兼虛之證所虛者何胸中大氣是也內經曰穀始入于胃其精微者先出于胃之兩焦以溉五臟而其大氣之搏而不行者積于胸中命曰氣海由斯觀之大氣雖本於先天實賴後天水穀之氣培養而成桂枝湯證旣因大氣虛損致衛氣漫散邪得越衛而侵營故於服藥之後即啜熱粥能補助胸中大氣以勝邪兼能宣通薑桂以逐邪此誠戰則必勝之良方也乃後世

醫者忽不加察雖用其方多不啜粥致令服後無效病轉深陷故王清任醫林改錯深詆桂枝湯無用非無用也不啜粥故也是以愚用此方時加黃芪升補大氣以代粥補益之力防風宣通營衛以代粥發表之力服後啜粥固佳即不啜粥亦可奏效而又恐黃芪溫補之性服後易至生熱故又加知母以預爲之防也

按凡服桂枝湯原方欲其出汗者非啜粥不效趙初晴曰族姪柏堂二十一歲時酒後寐中受風徧身肌膚麻痺搔之不知疼癢飲食如常時淮陰吳鞠通適寓伊家投以桂枝湯桂枝五錢白芍四錢甘草三錢生薑三片大棗兩枚水三盃煎二盃先服一盃得汗止後服不汗再服並囑弗夜膳臨睡腹覺飢服藥一盃須臾啜熱稀粥一碗覆被取汗柏堂如其法祇一服便由頭面至足徧身熱熱得微汗汗到處一手搔之輒知疼癢次日病若失觀此醫案知欲用桂枝湯原方發汗者必須啜粥若不啜粥即能發汗恐亦無此功效或問桂枝湯證其原因既爲大氣虛損宜其陽脈現微弱之象何以其脈轉陽浮而陰弱乎答曰人之一身皆氣之所撐懸也此氣在下焦爲元氣在中焦爲中氣在上焦爲大氣區域雖分而實一氣貫注故一身之中無論何處氣虛脈之三部皆現弱象今其關前之

脈因風而浮轉若不見其弱而其關後之脈仍然微弱故曰陽浮而陰弱也如謂陰弱爲下焦陰虛則其脈宜兼數象而愚生平所遇此等證其脈多遲緩不及四至其爲氣分虛損而非陰分虛損可知即所謂嗇嗇惡寒淅淅惡風翕翕發熱亦皆氣分怯弱之形狀也後世謂傷寒入足經不入手經治傷寒之方亦但治足經不治手經其說誠非也夫麻黃湯兼治手太陰經於前方後曾詳論之至桂枝湯兼治手太陽經唐容川論之甚詳其言曰膀胱主氣屬衛分小腸主火主血屬營分營生於心藏於肝而導之出者小腸也心火生營血循包絡下入肝膈散走連網而及小腸通體全生於連網之上小腸者心之府而連網者肝膈相連者也小腸宣心之陽從連網肝膈之中而外達腠理又外達肌肉是爲營氣與衛氣合以成其爲太陽之功用故邪在營分用甘棗補脾從脾之膏油外達以托肌肉之邪用芍藥行肝血從肝膈連網而外達肌肉以行營血之滯用生薑宣三焦少陽之氣從連網達腠理以散外邪而尤重在桂枝一味能宣心陽從小腸連網以達於外使營血充於肌肉間而邪不得留也然則此方正是和肌肉治營血之方正是小腸血分之方蓋膀胱屬水小腸屬火以火化水而後成太陽之功用若不知水火合化之理則此方

之根源不明也按連網即包連臟腑之網油脂膜亦即三焦也從前論三焦者皆未能確指爲何物獨容川所著醫經精義論之甚詳能發前人所未發其功偉矣

王叔和脈訣三焦與心包絡皆診於右尺後世多有詆其差謬者愚向亦嘗疑之後見容川所論三焦與腎系心始豁然所謂腎系者即絡腎之脂膜其根連於脊椎自下數第七節處此爲命門穴乃相火由生之處此油膜原與網油相連爲一體上爲膈膜更上爲心與肺相連之包絡由斯知心包絡與三焦亦皆發原於命門且心包絡與三焦臟腑相配又皆屬火故可與相火同診於右尺也叔和當日去古未遠此必有祕傳口授而後筆之於書也詳觀容川之論可明叔和之脈訣既明叔和之脈訣更知容川之論信而有徵矣

小青龍湯解

宜與第五期衷中參西錄第五卷歷序用小青龍湯治外感痰喘之經過及通變化裁之法參看

傷寒論曰傷寒表不解心下有水氣乾嘔發熱而欬或渴或利或噎或小便不利少腹滿或喘者小青龍湯主之

陳修園註云太陽主寒水之氣運行於皮膚出入於心胸今不運行出入以致寒水之氣汎溢而無底止水停於胃則乾嘔水氣與寒邪留戀而不解故發熱肺主皮毛水氣合之

則發熱而欬是發熱而欬爲心下有水氣之陰證然水性之變動不居不得不於未然之時先作或然之想或水蓄而正津不行則爲渴或水漬入腸間則爲利或逆之於上則爲噎或留而不行則爲小便不利少腹滿或如麻黃證之喘而兼證處顯出水氣則爲水氣之喘者以上諸證不必悉具但見一二證即是也以小青龍湯主之

又傷寒論曰傷寒心下有水氣欬而微喘發熱不渴服湯已渴者此寒去欲解也小青龍湯主之陳修園註云寒水之氣太陽所專司運行於膚表出入於心胸有氣而無形苟人傷於寒則不能運行出入停於心下無形之寒水化而爲有形之水氣水寒傷肺而氣上逆則爲欬而微喘病在太陽之表則現出標陽而發熱然水寒已甚標陽不能勝之雖發熱而仍不渴審證既確而以小青龍湯與服服湯已而渴者此寒去欲解而水猶未解也仍以小青龍湯主之再散其水氣而愈

修園此二節之註原係即經文而爲襯註逐字逐句補綴挑剔曲暢盡致可謂善解經文者矣

(附錄)小青龍湯原方

麻黃 去節三兩

芍藥 三兩

細辛 三兩

乾薑 三兩

甘草 三兩

桂枝 去皮三兩

五味子 半升

半夏 半升湯洗

右八味以水一斗先煮麻黃減二升去上沫納諸藥煮取三升去滓溫服一升若微利者去麻黃加薑花如雞子大熬令赤色古以熬字作炒字用若渴者去半夏加括薑根三兩若噎者即呃逆去麻黃加附子一枚炮若小便利少腹滿去麻黃加茯苓四兩若喘者去麻黃加杏仁半升去皮尖

按薑花今人罕用修園謂可以茯苓代之

(附錄)更定小青龍湯分量

麻黃 二錢

生杭芍 三錢

乾薑 一錢

甘草 錢半

桂枝尖 二錢

清半夏 二錢

五味子 錢半

細辛 一錢

此後世方書所載小青龍湯分量而愚略爲加減也喘者原去麻黃加杏仁愚於喘證之甚實者又恒加杏仁三錢而仍用麻黃一錢則其效更捷若兼虛者麻黃斷不宜用傷寒論小青龍湯無加石膏之例而金匱有小青龍加石膏湯治肺脹欬而上氣煩躁而喘脈

浮者心下有水是以愚治外感痰喘之挾熱者遵金匱之例必酌加生石膏數錢其熱甚者又或用至兩餘

喻嘉言曰桂枝麻黃法無大小而青龍湯有大小者以桂枝麻黃之變化多而大青龍湯之變法不過於桂麻二湯內施其化裁或增或去或饒或減其中神化莫可端倪又立小青龍一法散邪之功兼乎滌飲取義山澤小龍養成頭角乘雷雨而翻江攪海直奔龍門之義用以代大青龍而擅江河行水之力立法誠大備也因經叔和編次漫無統紀昌於分編之際特以大青龍爲綱於中麻桂諸法悉統於青龍項下擬爲龍背龍腰龍腹然後以小青龍湯尾之或飛或潛可彌可伏用大用小曲暢無遺居然仲景通天手眼馭龍心法矣昔有善畫龍者舉筆凝思而青天忽生風雨吾不知仲景製方之時其爲龍乎其爲仲景乎必有倏然雷雨滿盈大青龍湯倏然密雲不雨桂枝二越婢一湯倏然波浪奔騰小青龍湯以應其生心

之化裁者神哉青龍等方即擬爲九天龍經可也

又曰婁東胡貞臣先生昌所謂賢士大夫也夙昔痰飲爲恙夏日地氣上升痰即內動設小有外感膈間痰即不行兩三日瘥後當膺尙結小瘥無醫不詢無方不考乃至夢寐懇

求大士治療因而聞疾思苦深入三摩地位薦分治病手眼今且仁智兼成矣昌昔謂膀胱之氣流行地氣不升則天氣常朗其偶受外感則仲景之小青龍一方與大士水月光中大圓鏡智無以異也蓋無形之感挾有形之痰互爲膠漆其當胸窟宅適在太陽經位惟於麻桂方中倍加五味半夏以滌飲而收陰加乾薑細辛以散結而分解合而用之令藥力適在痰飲綰結之處攻擊片時則無形之感從肌膚出有形之痰從水道出頃刻分解無餘而膺胸空曠不復叢生小瘞矣若泥麻桂甘溫減去不用則不成其爲龍矣將恃何物爲翻波鼓浪之具乎

寒溫中皆有痰喘之證其劇者甚爲危險醫者自出私智治之皆不能效惟治以小青龍湯或治以小青龍加石膏湯則可隨手奏效然寒溫之證兼喘者甚多而有有痰無痰與虛實輕重之分又不必定用小青龍湯也今將其證分列數條於左審證施治庶幾不誤一氣逆迫促喘且呻或兼肩息者宜小青龍湯去麻黃加杏仁熱者加生石膏

一喘狀如前而脈象無力或兼數者宜小青龍湯去麻黃加杏仁再加生石膏人參

一喘不至呻亦不肩息惟吸難呼易苦上氣其脈虛而無力或兼數者宜拙擬清燥湯

後在

一喘不甚劇呼吸無聲其脈實而至數不數者宜小青龍湯去麻黃加杏仁生石膏若脈更滑數者宜再加知母

一喘不甚劇脈洪滑而浮舌苔白厚胸中煩熱者宜用拙擬寒解湯

在後汗之

一喘而發熱脈象確有實熱至數兼數重按無力者宜拙擬白虎加人參以山藥代粳米湯

在第六卷

更以生地代知母加茅根作引

一喘而結胸者宜用傷寒論中諸陷胸湯九或拙擬盪胸湯

在第七卷

以開其結其喘自愈

右所列喘證共七種合之後餽水石膏飲所主之喘證外感喘證之治法亦略備矣

至於麻黃湯證多有兼微喘者此爲業醫者所共知不必列於數條中也

小青龍湯爲治外感痰喘之神方其人或素有他證於小青龍湯不宜而至必須用小青龍湯之時亦不可有所顧忌徐靈胎曰松江王孝賢夫人素有血證時發時止發則微嗽又因感冒變成痰喘不能着枕日夜俯几而坐竟不能支持矣是時有常州名醫法丹書調治不效延余至余曰此小青龍湯證也法曰我固知之但體弱而素有血證麻桂諸方可用乎余曰急則治標若更喘數日殆矣且治其新病愈後再治其本病可也法曰誠然

病家焉能知之如用麻桂而本病復發則不咎病本無治而恨用麻桂誤之矣我乃行道之人不能任其咎君不以醫名我不與聞君獨任之可也余曰然服之有害我自當之但求先生不阻之耳遂與服飲畢而氣平終夕得安然後以消痰潤肺養陰開胃之方以次調之體乃復舊

按有血證者最忌桂枝不甚忌麻黃用此方時宜稍爲變通去桂枝留麻黃再加生石膏服之亦可愈病且妥善無他虞

又愚用小青龍湯凡遇脈虛者必預購補藥以備不時之需曾治一叟年六十三於仲冬得傷寒證痰喘甚劇其脈浮而弱不任循按問其平素言有勞病冬日恒發喘嗽愚再三躊躇勉強治以小青龍湯去麻黃加杏仁生石膏爲其脈弱俾預購補藥數種備用服藥喘稍愈再診其脈微弱益甚愚遂用龍骨牡蠣皆不用煨野台參生杭芍山萸肉去淨核爲方皆

所素購也煎湯甫成此時病人呼吸俱微自覺氣息不續急將藥飲下氣息遂可接續愚將旋里囑再服藥數劑以善其後隔三日復來迎愚言病又反覆愚至見其喘促異常其脈尺部無根寸部有熱急用酸石榴一個連皮搗爛煮湯調白沙糖多半兩服之喘愈大